

藏書

一

識小錄卷之二

活埋菴道人徐聯之筆記

錢舉人

士不可以無器識往有纔得科名而志滿意足即為驕奢淫佚者予之見聞難更僕數戊寅秋游南都妹壻何母我說常州錢舉人名慆為諸生時所居不過一廛妻汧汧統以給備諸艱苦辛酉舉于鄉上春官婦即買婢妾數人僕從宮室赫如也家庭稍不如意令妻長跪受夏楚盛夏暴之日中或忝其帳綯著床

令受蚊嘍又恣口腹遠市珍奇與婢妾醉飽而不以
及妻乙丑再上春官入棘如常忽題紙至眼前如漆
矣遂以曳白出眼大痛兩睛突出稍愈則一已盲矣
歸家月餘復大痛叫呼數日兩睛皆突出而死母我
話錢諸事俱極新奇不能備錄其更奇者一日在
家宴客陳優伶榜諭門上云一切雜人不許放進違
者管門人重責三十其父某聞知有客且有優伶也
趑趄而前意欲一觀閤人亦以非雜人不敢拒遂對
父責之三十其所為大略如此

錢梅谷子

梅谷名春戶部尚書名臣後也子某孝廉孫尚賓已
承蔭為應天通判矣父子爭一婢至持刀相殺子刺
中父幸不死閭里無不聞之咸欲舉族通判者急以
三千金奉父又揮數千遍贈衣冠者遂不復鳴官戊
寅夏大旱鄉紳之前輩以為逆氣所成為文告合郡
而其父竟以得賄故置之罔聞上官亦無有問者後鄭
鄧鞠時供出旨問刺父何人時祖春望八矣尚為
南戶部尚書狼狽歸尚賓逮死獄中

閱牆

諸小二
兄弟操戈人家咎徵而不意屢見于吾族然不過從
貧富起見以致興訟耳甚而至于叩閣則耳目所未
聞見也戊寅春吾族有無賴二人為此公論究竟大
明其螫人者適以此螫也

鄭鄴

鄭號峯陽常州人壬戌庶常也淫醜之行筆不忍書
至強淫十三歲之媳遂至此女自縊則古今第一淫
惡矣烏程相立朝無一善事惟露章劾鄴下獄論死
此舉差快人意有惡烏程者并此舉而非之此非能

愛能惡之仁人矣然鄭亦素附清流故有左袒之者
則清流之識似反不若烏程不可解也

京兆竇

今人多言燕山竇氏五子登科是誠然矣而不知唐
代宗時有竇叔向者字遺直京兆人四子皆登第惟
中子群以處士隱毗陵韋夏卿荐之德宗擢為左拾
遺代武元衡為中丞兄弟曰常曰牟曰庠曰翬皆為
郎工詞章為聯珠集傳於世義取昆弟若五星然先
後兩家五子皆姓竇皆貴顯大奇

紅線

洛州卽度薛嵩有青衣善彈阮咸琴手紋隱起如紅
線因以名之一日辭去冷朝陽為詞曰採菱歌怨木
蘭舟送客魂消百尺樓還似洛妃乘霧去碧天無際
水空流唐人所紀不過如此好事者附會為女劍仙
夜入田承嗣帳中取其金合唐人小說大都若是耳

韓文公詩

韓詩有喚起牕全曙催歸日未西無心花裏鳥更興
盡情啼乃二禽名也喚起聲如絡繹圓轉清亮偏鳴

予春曉江南謂之春喚催歸則子規也

口箴

唐姚合公崇有口箴其詞云君子欲訥吉人寡辭利
口作戒長舌為詩斯言不善千里違之勿謂已後駟
馬難追惟靜惟嘿澄神之極去甚去泰居物之外多
言多失多事多害聲繁則淫音希則大室本無暗垣
亦有耳何言者天成蹊者李似不能言為世所尊言
不出口冠時之首無掉尔舌以速尔咎無易尔言亦
孔之醜欽之謹之可大可久欽之伊何三命而走謹

之伊何三緘其四勉哉天子行矣勉旃刻之屋壁以
代章紳

眉公七夕詞

七夕詞嘲謔上真文人罪業莫過于此偶見眉公小
令雖不能脫太窠臼然自解人頤因記之詞名釵頭
鳳云梧桐墜秋光碎一痕河影添嬌媚錦梭撇綵橋
結今宵天上歡娛卽嫦娥凝望也應痴絕熱々天
如醉雲如睡朦朧方便雙星會難旣舌催離別々時打
笑問年月自從盤古許多周折歇々々

史如霖

史如霖者金陵人于神廟中年為錦衣緝事校尉官至千戶往來勲戚及諸內官家致產數十萬因歸金陵為富人其人饒材幹貌甚偉似閔公塑像熹廟時魏璫欲舉大事聞其名令人密諭旨呼之如霖齎萬金往通賂魏左古及京中相識以夜入見叩頭畢問以事對多舛錯璫怪之則云年過五十已耳聾矣璫歎息云我聞汝名欲不次用為錦衣帥今乃耳聾耶放之歸日夜縱酒為樂謂所親曰我脫席口矣

豈有如此局面而能長久者一旦水山消歇祠必先
及我輩未幾瑞敗一一如所料是人識力不但遠過
武弁中之田爾耕許顯純即文臣中之為席為彪者亦
不能望其項背矣如霖號少涯富而好施人多有蒙
其惠者其子今為上舍

李信甫

吳江李信甫弱冠遊庠悅一隣女姦露致此女死于
非命李家富因緣得脫閱二十八年富如故偶與計
梅者往來梅善歌健奔走李遂以為心腹不虞其為

巨盜也。梅事敗，走李家，祈李藏匿。李以事太不敢，喉
伍伯縛之。公梅大恨，誣李以窩主，同梅問斬。家蕩盡。
因知梅所坐之年月，日與此女死之年月，月日同，而此
女乳名亦為梅。吳江人共傳為異，謂此女再世孽報
云。

南唐李雄

曹彬連破南唐兵，統軍使李雄謂諸子曰：「吾必死于
國難。」爾曹勉之。父子八人皆沒于陣，一門忠烈，亘古
希有。宋太祖不聞，有表章之，開創之缺陷也。

祈壽

客有述省中一貴臣懸彭祖像朝夕拜之者因考彭祖之始末高陽氏四世孫曰陸終陸終生錢鏐封于彭城故曰彭祖自堯舜至夏商八百餘歲凡喪妻四十九人喪子五十一人喪女六十人以一老婦而哭妻三百十餘度而用此八百為哉又列仙傳諸書皆云彭祖為殷王所忌遂西入流沙不知所終然則暮景流離更苦矣又一說彭祖習房中御女術年八百餘少妻鄭妖淫以惑死又稗史有楊宗卿家梁

上雞窠中有一人似小兒時垂頭下顧不食亦不言
宋卿云是九代祖計年亦幾百歲予溫壽則壽矣但
不食不言縮而入雞窠中又懸之梁上無生人之樂
矣彼祈壽者無乃下愚乎

陳橋驛

夾馬營在河南府城東陳橋驛在開封府北今為大
梁驛即宋太祖黃袍加身處也宋亡時陳宜中遣使
如伯顏軍前涕泣求平伯顏曰汝國得天下于小兒
亦失于小兒其道如此尚何多言後人詠之曰當日

陳橋驛裏時。欺他寡婦與孤兒。誰知三百餘年後。寡婦孤兒亦被欺。嗟呼此猶是敵國之欺也。宋太祖自欺其君而太宗即欺其嫂與姪。若宋后之不成喪德。昭之不得其死。又現前孽報矣。

張江陵

朱正色為江陵令。倜儻負氣。相府家奴有犯榜繫。無所貸。江陵奇之。為延譽。推獎行。取後官至都御史。今之政府能如是乎。

鄭思肖

戊寅冬吳中大旱之後承天寺沒并得一鐵函題曰
大宋孤臣鄭思肖封中有書二冊皆一生詩文及紀
宋末亡國事其志吞逆虜慷慨復讎不啻三復言之
其紀文信國陳宜中等事多與正史合無甚異聞但
云賈似道死于木棉菴張世傑至漳州按鄭席臣擅
殺之罪則與正史稍異蓋正史俱云殺虎臣者陳宜
中也紀宜中逃占城後曾有信更通本國及虜主奉
國師妖僧姦穢事甚悉紀汴京七陵則云太祖昌陵
獨不惟發掘之祠虜人登高瞰諸陵纍然七堆而自